



Broj: 05/1-50-13-29-25/12
Sarajevo, 7.3.2012. godine

ZAPISNIK

25. sjednice Nezavisnog odbora Parlamentarne skupštine BiH

Sjednica je održana 7.3.2012., s početkom u 11 sati.

Sjednici su prisustvovali: Žiko Krunić, predsjednik Nezavisnog odbora, Bakir Dautbašić, prvi zamjenik predsjednika Nezavisnog odbora, Mato Jozić, drugi zamjenik predsjednika Nezavisnog odbora, Dragan Savić, Stanko Nuić, Ljubomir Kuravica i Viktor Dadić, članovi Nezavisnog odbora.

Opravdano je odsustvovao: Zijad Kadić član Nezavisnog odbora.

Osim članova, sjednici je prisustvovala Alma Salkić-Mijić, koja je obavljala poslove sekretara Nezavisnog odbora.

Sjednicu su pratile: Medina Delalić iz Sektora za odnose s javnošću Sekretarijata Parlamentarne skupštine BiH i Stojana Šupeta, volonter u Sekretarijatu Parlamentarne skupštine BiH.

Sjednicu je sazvao Žiko Krunić, predsjednik Nezavisnog odbora. Konstatirao je da postoji kvorum za rad i otvorio sjednicu.

Nezavisni odbor jednoglasno je usvojio sljedeći

DNEVNI RED

1. Usvajanje zapisnika 24. sjednice održane 25.1.2012.godine;
2. Ponovno razmatranje dopisa Odbora za žalbe građana upućenog Nezavisnom odboru;
3. Tekuća pitanja.

Ad.1. Usvajanje zapisnika 24. sjednice održane 25.1.2012.godine;

Predsjednik Nezavisnog odbora Žiko Krunić otvorio je raspravu o ovoj tački dnevnog reda. Član odbora, Enes Obralića, imao je primjedbu na tačku 3. Zapisnika 24. sjednice. Predložio je da se u tački 3. Razmatranje Plana rada Nezavisnog odbora za 2012. godinu., tekst koji glasi: "9.Upućivanje zahtjeva Ministarstvu sigurnosti BiH za dostavljanje polugodišnjih, a po potrebi i kvartalnih izvještaja o radu Državne agencije za istrage i zaštitu, Granične policije BiH i Direkcije za koordinaciju policijskih tijela BiH Nezavisnom odboru na razmatranje." zamijeni sa tekstom koji glasi: "Upućivanje zahtjeva Državnoj agenciji za istrage i zaštitu, Graničnoj policiji BiH i Direkciji za koordinaciju policijskih tijela BiH za dostavljanje polugodišnjih, a po potrebi i kvartalnih izvještaja o radu Nezavisnom odboru na razmatranje."

Ovaj prijedlog je jednoglasno prihvaćen.

Zapisnik 24. sjednice, održane 25. 1.2012. usvojen je jednoglasno s primjedbom u tački 3. dnevnog reda Razmatranje Plana rada Nezavisnog odbora za 2012. godinu.

Ad. 2. Ponovno razmatranje dopisa Odbora za žalbe građana upućenog Nezavisnom odboru

Predsjednik Nezavisnog odbora je podsjetio članove da je Odbor za žalbe građana uputio dopis Nezavisnom odboru sa Žalbom Safeta Varajića kojom se podnosilac predstavke žalio na rad direktora Granične policije BiH i direktora Državne agencije za istrage i zaštitu i Prigovorom Safeta Varajića na Obavijest Odbora za žalbe građana.

Nezavisni odbor ja razmatrao ovaj dopis na 19. sjednici Nezavisnog odbora i tada odlučio da će na jednoj od narednih sjednica donijeti konačnu odluku o ovom pitanju.

Otvorio je raspravu o ovoj tački dnevnog reda.

U raspravi su učestvovali svi članovi Nezavisnog odbora.

Član odbora Enes Obralića je informirao članove Nezavisnog odbora da je učestvovao u radu Policijskog odbora u predmetu po žalbi Safeta Varajića i tražio je da bude izuzet prilikom rasprave i odlučivanja o ovoj tački dnevnog reda.

Ovaj prijedlog je jednoglasno usvojen.

Nezavisni odbor jednoglasno je usvojio **zaključak** da se traži od Granične policije BiH da dostavi sve odluke nadležnih organa koje se odnose na predstavku Safeta Varajića, kako bi Nezavisni odbor odlučio da li je nadležan u vezi sa predmetnom predstavkom.

Ad.3. Tekuća pitanja

Prvi zamjenik predsjednika Nezavisnog odbora Bakir Dautbašić u okviru ove tačke dnevnog reda informirao je članove da je razmatrao mogućnosti studijskog putovanja za članove Nezavisnog odbora. Konstatirao je da je najbolja opcija podnošenje aplikacije preko TAIEX programa pomoći za studijsku posjetu nekoj od zemalja Evropske unije.

Članovi Nezavisnog odbora su primili k znanju ovu informaciju i složili su se da u narednom periodu detaljno razmotre sve mogućnosti i donesu odluku o podnošenju aplikacije.

Sjednica je završena u 12 sati.

Sekretar
Nezavisnog odbora
Alma Salkić-Mijić

Predsjednik
Nezavisnog odbora
Žiko Krunić